


脈理綱要

筱卿氏習

脈理經要

顏楷書

尚忠肖像



尚忠甫三歲即病下利瘦弱不堪年至十六又病遺精未間一星期甚則一夜二三次至二十三歲有大故齋戒獨居三年斯疾稍愈因服藥過多略知藥性又因已多病始讀醫學

無月不藥像貌如何已可想見較諸今日不啻天淵誠尚忠云爾
 今生一幸事也故誌之以明鄙像之變換並得斯道之由來
 成都蔭棠馮尚忠自敘

三字經兼閱脈訣規正民國反正在家賦閑遇親戚鄰友感冒風寒隨擬一方奏效者十居六七繼則源源而來惟恐誤人始讀仲景傷寒論兼採各家復將方書廣為搜求遇診病人詳為考究脈之三陰三陽始了然於心此則尚忠知醫之原因也回溯幼年



第一版每部定價二角

四川通省警務學堂紳班最優等畢業生馮尙忠

爲呈請鑑定以便印刷而保衛生事竊思衛生之道雖多醫學實第一關鍵醫藥之法雖廣脈理實第一要綱歷代明醫固不乏人而近時實莫一覩豈果醫學難精耶實歷代方書所載脈理均欠詳明之故遂使後學舍脈理而不講惟望聞問之是求不知憑空洞之理想無切實之把握欲絲絲入扣十不失一蓋亦難矣尙忠自反正銷差卽在桑梓隨便送診至今十載鮮有貽誤實因脈理略有攷驗素又送診何忍緘默與其祕藏一己何若公諸世界使學醫者得通曉脈理於衛生不無裨益爲此不揣冒昧特將六脈及一切醫法切實註明使聰明者開卷了然魯鈍者亦知大概未始非父老兄弟一幸事也今已編輯成書是否有當理合呈請

鈞廳俯賜鑑定

批示祇遵謹呈

四川省警務處處長 鈞鑒

批示

呈及書悉俟函交醫藥調查會開會討論後再行核奪此批

牌告

案准醫藥調查會函復前准函交馮尙忠所呈醫書一案現已交付會議據各員討論僉稱該生所著醫書引用繁縟學理純正尙可鐫行等語各在案相應錄案函復轉飭遵照實爲公便計還書一冊等由准此除函復外合行牌示仰該原呈人馮尙忠遵照來廳領取以便鐫行此告

四川成都醫藥調查會會員品題各詞錄后

祝昌年先生批

是書於醫學搜羅豐富攷證詳明可爲初脈者得一階梯

文天驥先生批

此書脈理醫學攷證極詳非博覽羣書者不能道此未始非初學者之一助也

徐正奎先生批

蒐羅豐富說理精深洵推傑作

羅文淵先生批

是書窮源竟委纂核詳明非伏案功深尙難此作

黃鳳人先生批

披閱全編文清理澈其立方也採擇歷代成法而不泥其辨脈也徵求寒熱虛實而亦顯究心斯道泛涉羣書非具有不惑之見不能及此

黃鑄顏先生批

披閱全書纂述既詳且盡醫學前途實賴之

董作輝先生批

持論純正尙不失經書本旨其脈理問答亦有獨到之處此書似屬可行

計... 本... 國... 國...

...

...

...

...

...

...

...

...

...

...

自敘

病有大小、醫有難易、醫一人之病易、醫一家之病難、能醫一國之病尤難、此善醫病者所以稱大國手也。尙忠德簿才疎、生逢亂世、既無醫國之才德、又無醫國之時機、且生性舉動、不敢稍涉勉強、務求出於自然、醫國觀念、久已銷沒於胸中、惟此醫學、雖曰小道、不能醫國家、確能醫國民、能醫一鄉之國民、何若醫一國之國民乎、能醫一時之國民、何若醫千萬世之國民乎、雖然、豈可輕言哉、自黃帝至今、歷代方書、實汗牛充棟、醫理奧妙、亦似闡發盡致、毋庸贅述、誰知脈理一端、從無一定標準、遂使後學無所適從、此業醫者所以有脈理失傳之嘆、否則、明言脈理荒渺、不若望聞問、確實可據、竟以脈理付東流而不研究者、比比皆是、不知醫不諳脈、斷無不誤人者、奈方書已欠明確、四海又無人傳授、明醫不見於當今、又何足怪哉。尙忠略得脈理奧竅、素又送診、何必祕藏、况天下病人無窮、一人心力有限、縱善醫亦醫無幾、何若筆之於書、公諸於世、俾業醫者得通曉脈理、不自誤亦不誤人、豈非幸哉、非獨

一人之幸、實千萬世病人之幸也。尙忠所著此書、確非沽名釣譽、實補方書之缺、又本醫人不如醫醫之意、竊願見此書者、不以爲妄談焉、則真幸甚、

時

中華民國十國一年歲次壬戌孟夏月成都馮尙忠自敘



敘

醫本仁術也。雖曰小道，能起死回生，奪天地造化之權，非仁人不可學，非智者不能學。人而不仁，利令智昏，人而不智，見理必左，安能識五運六氣，生剋制化，救生命於頃刻也哉？僕習醫三十餘年矣，縱徧覽醫經，兼採百家而脈理一端，實不敢自信，固由於識智短淺，未始非歷代脈書欠詳明之故此。僕所以恆嘆醫學之難也。茲遇馮君蔭棠著脈理綱要一書，僕始而疑，繼而驚，終而信，何也？自黃帝迄今，脈經脈訣，不勝枚舉，非各是其說，即互相抵觸，已令人愈讀愈疑，無所適從。今欲特樹一幟，駕歷代脈理諸書而上之，使人開卷了然，診視之下，胸有成竹，談何容易？僕所以始聞其著書而心疑者此也。繼覽其書，條分縷晰，直切了當，尤其餘事。至於規定各經部位，辯正平脈，補正脈象，說明三焦與臍子，解釋烏梅丸方脈，皆是發古人所未發，真可謂大開醫途之茅塞，確定後學之方針也。僕與馮君交稱莫逆，雖知其活人最多，實未知其學識有如是之優長也，所以見其書而驚訝不已者此也。至披閱其書之後，

臨症主方。試按照其法。相脈加減。又屢試屢驗。僕所以終信其書之真不謬也。噫。中國醫書。實汗牛充棟。大都言方則不言脈。言脈則不言方。仲景傷寒論。雖脈方并言。亦不過略散見於六經而已。然漢文古奧。非有學識者。安能搜求。可見明醫難遇者。有由來也。茲得馮君脈理綱要一書。能將六脈之浮沉遲數。與六經之陰陽虛實。脈象如何。應主何方。一一傳出。絲絲入扣。不但傷寒一百一十三方之脈象。多所發明。且爲中國數千年之醫學。特開門徑。後學固由此有所遵循。斯道亦必由此而昌明。其真幸哉。其真幸哉。

華陽玉豐廖箴識

敘

甚矣哉醫學之難也。醫不難於用方，而難於識症；抑不難於識症，而獨難於切脈。倘能善於切脈，則症易識而方易用，必然之理也。伊古來業醫者，大都指下茫然，毫無把握，問誰能診候之際，胸有成竹，表裏虛實，瞭如指掌哉。敬維宗叔蔭棠，前清秀士也，自廢科舉，攷爲警官，公餘之下，則博覽醫書，民國反正，辭職回家，則隨便送診，至今十載有餘，活人不勝擢數，實學識與經驗兼優，惟念醫學一道，古書雖多，缺憾不少，則如六經部位，黃帝迄今，無人指明，三焦之說，議論紛紜，莫衷一是。人身腠子，清朝以上，並無人談及，平脈一層，雖圖說俱有，仍含混不確，脈象一端，每各是其說，錯謬殊多。古方脈象，又多未註明，此皆中醫之大缺點。吾叔本生成之智慧，發救世之慈心，殫精竭慮，著此脈理綱要一書，大補方書之缺，且其書簡而切，精而詳，約而咳，不矜奇，不立異，人人見之，一目了然，誠可謂度世之金針，醫學之標準也。是亦范文正不能爲良相，當爲良醫之意乎。世醫多不知切脈，誤人固不淺，而得有良方。

又每祕藏不言。不知是何居心。無惑乎古有醫後不昌之語也。吾叔有此精奇妙術。竟筆之於書。公諸世界。惟恐人不知醫。醫不知脈。一一詳爲註明。其心本以救世爲心。功德豈非無量耶。作善者昌。自古皆然。吾知其必克昌厥後矣。因不揣愚陋。而以頌爲序。

宗姪 通儒守經拜撰

凡例

一此書特詳言脈理以補方書之缺俾學醫者一目卽知脈之大綱大要由此深造易如反掌故定名爲脈理綱要

一此書所言三陰三陽六脈部位與候脈之法依古法者半由經驗者亦半均試驗絲毫不爽非妄爲穿鑿

一歷代方書言脈者多實莫詳於李瀕湖之二十七脈雖逐次著述而某部候三陰某部候三陽仍缺而未言此書不但言明某部候某經且言明脈象如何應主何方實千古方書所未有

一此書所以備瀕湖先生二十七脈後加補正者因沈微垣脈訣規正人皆以爲此書真千古一定不易之脈訣不知此書可取者固多錯誤者亦不少實不得已而補正之也

一此書所以獨列痢瘡咳三種病症者因此種病症方書言之未詳遂使後學茫無

把握病家留連數年不愈者甚多殊屬可憐故不憚煩特將病症藥方分門別類
詳爲著明以備採擇而起沉痾

一此書所列婦科僅此數方者因婦女風寒暑溼與男子醫法無異惟血分中病不
同耳藥方雖簡實婦女恆用者也

一此書所列各方錢分輕重不同大約每劑熬兩次熬一次作兩次服勿疑錢分太
重是幸

一此書所列外科各方均係屢經試驗神效莫比者故錄之以備採用非徒事鋪張

一此書所載病症脈象有前後參差者必合而觀之方能完備

一此書所言病症脈象及一切藥方皆是大綱大要罅漏本多見此書者尙祈原諒

醫藥要義

一切脈須知部位，用大指尋按病人掌後高骨，與已之中指相對，即是關位，名食二指。病人高者疎排，矮者密排，若診小兒，其部位更短。平脈亦較大人數。要在人持脈時，審慎分別之。

一診脈時，病人萬不可勞動。因一勞動，氣血必變，非本來面目。若按照脈象主方，服藥無效，猶小貽誤生命，乃大也。倘遇病人勞動，務令其休息一時，心平氣和，方可診視。病重者，走動亦不宜，且病人之手，務須擱置自然，稍有勉強，血脈必非真象。所主之方，安能有效。此業醫者不可不知也。

一主治者於診脈時，務先自平心息氣，方能診視病人脈象，此一定不移之理。

一醫藥須知風土不同。城鄉各殊。凡城內人，煙稠密，炭氣太甚，燥症最多。服藥每宜輕清之品。而鄉間空氣最足，燥症較少。宜服燥藥者，多。中國地大，東西南北氣候不一。業醫者宜因地制宜。此又一定者也。